

32 30

MEDICAE FACULTATIS DECANI  
**HERMANNI FRIDERICI  
TEICHMEYERI**

PHILOSOPHIAE ET MEDICINAE DOCTORIS, ANATOMIAE, CHIRUR-  
GIAE AC BOTANICES PROFESSORIS PVBLCI ORDINARIJ  
SERENISSIMI DVCIS SAXO-ISENACENSIS CONSILIARIJ  
ET REG. SOC. SCIENT. BORVSS. SOCIJ

PROGRAMMA INVITATORIVM

SECVNDVM

DE

**C A A P E B A**

SIVE

**PARREIRA BRAVA**

DISSERTATIONI INAVGVRALI

DE

**A V R O**

DIE XXI. IANVAR. M DCC XXX,

HABENDAE  
PRAEMISSVM



---

LITTERIS MÜLLERIANIS.





*Clematis*, sive *Parreira* brava, est planta, clematiti non absimilis. Hinc clematitem sarmentolam vocant, quæ tenaci, ac perlongo sarmento nunc vicinas arbores late adscendit, nunc humi repit, nunc tenuibus, flexilibus, atque rotundis suis sarmentis sepes pene omnes coniungit, tegit, & quasi occultat.

Hæc sarmenta per alternas vices ad nodos, sibi invicem satis contiguos, folium unum, raro duo protrudunt, quæ folia rotunda ferme ad figuram cordis recisi accedunt. Folia ipsa, valde tenuia, & quoad figuram, cum aristolochiæ nostræ convenientia, superius late virent, inferius pallent, & perlongo, ac paulum rufescenti pedunculo insistant. Magnitudo foliorum non sibi semper responder; alia palmæ manus magnitudinem sæpius attingunt, alia contra minora existunt. Spina, & costæ foliorum, sive nervuli, paulo prominent, & sicuti in aliis plantis, ex distributione vasorum pedunculi formantur, ac per integrum folium extenduntur. An folia sint margine scisso, an integro, nihil neque apud PISONIUM, neque MARGGRAVIUM \* reperitur. Celeberrimus Bo-

tani-

tanicus. Reverendus Pater Ordinis Minorum; Dn. PLUMIER, \* Regis Galliarum apud Insulas Americanas Botanicus, qui tribus diversis temporibus hanc novi orbis partem visitavit, quoad folia tres *Caespe* nobis communicavit species: Una posidet folia, utrinque glabra; secunda quæ rarior est, folia profert lanuginosâ, & albicantia; tertia in Insula S. Dominici reperitur, & modo differt a prioribus pedunculi foliorum exiguitate & brevitate.

Omnes vero ex eodem loco, quo folia progerminant, emittunt ramusculos, dimidium pedem longos, minoribus foliis coopertos. Ad horum foliorum pedunculos etiam pedunculus provenit, sesquidigitum longus, flosculum sustinens, pallide flavescens, octo foliis constantem \*\*, sequenti modo. Quatuor superius apposita folia sunt parva, obrotunda. His substat amplum subrotundum. Adhuc magis inferius tria parva, alternatim posita, deprehenduntur. Dn. PLUMIER florem *Caespe* vocat rosaceum, ex quatuor scilicet petalis, in orbem positis, constantem. Ex huius floris medio surgit pistillum. Post defluxum florum, bacca rubra, corallium æmulans, magnitudine seminis orobi, succedunt, quæ bacca a baccis caprifolii nostri vix differunt. Ex hac descriptione apparet luculenter, quod flos *Caespe* sit tetrapetalos, semen vero pulposum. Nam baccas profert, in quibus semina delitescent. Reliqua quatuor folia constituent perianthium duplex; unum integrum, & secundum, quod inferius est, ex tribus phyllis compositum \*\*\*.

Radi-

\* In Tractatu de Novis plantarum Americanarum generibus, p. 33.

\*\* Hinc ab illustri RAO *Caespe* inter plantas anomalas refertur, & vocatur convolvulus Brasiliensis flore octopetalo monococco. In Oper. botanicis, Tom. II. Lib. XXII. sect. 3. Cap. 2. p. 137.

\*\*\* De calyce florum multiplici legi meretur celeberr. JVLIVS PONTEDERA, Pagavinus Botanicus, in sua erudita *Anthologia*, Lib. I. Cap. V, VIII. & IX. item Dissertat. botanica secunda, p. 33.

Radiciſ Parreitz bravæ, (cuius formam & notas characteriſticas in priori programmate propoſuimus,) odor nullus eſt, ſapor vero ad dulcedinem vergit, cum aliqua tamen amaritie coniunctam. Color fuſcus eſt. Illuſtris Dn. GEOFFROY duplicem ſpeciem vidit huius radiciſ; unam extuſ nigricantem, intuſ fuſcam, alteram extuſ albam, intuſ coloris citrini. Prior magis in uſu eſt, & communisſime in officiſ proſtat. Ita enim loquitur, in Hiſtor. Acad. Reg. Pariſ. anno 1710. pag. 75. *La premiere, qui eſt la plus en uſage eſt brune par de hors, & d'un jaune brun en de dans. La 2de eſt blanche par dehors, & en dedans d'un jaune citrin. Celle-ci eſt de couleur de chair lorsqu' elle eſt recente, & pâlit avec le temps. Toutes deux ſont d'une ſubſtance dure, & cependant poreuſe & ſpongieuſe. Elles ont un goût amer mêlé de quelque legere douceur, comme La Reſiſſe.*

Uſum quod attinet; ſecundum ſententiam Braſilienſium, ſere univerſaliſ eſt. Etenim in uſum vocatur in omnibuſ morbiſ tartareis, in primis in affectibuſ renuſ, atque veſicæ. Calculoſ, ſaburram, atque purulentam materiam ſuaviter educit, & ulcera, ibi nata, abſtergit, mundificat, atque conſolidat, urinam ſuppreſſam promte reſtituit, & in colica nephritica doloreſ mitigat, quos effectuoſ laudatoſ Ill. GEOFFROY, l. c. obſervavit, & ideo ulteriuſ eam commendat in omnibuſ affectibuſ pituitoiſiſ, aſthmate humoſali, in ictero, imo ipſo ſputo cruento, dyſenteria, angina, ac febribuſ maligniſ. Alii quoque hanc radicem laudant in ſcorbuto, obſtructionibuſ, hydropo, imo vermibuſ ipſiſ.

Moduſ utendi ſequenſ eſt. 1) Datur in ſubſtantia pulveriſata radix, ad drachmam ſemiſ. Aut 2) uncia una coquitur in vaſculo ſtanneo tecto, vel cum libra una aquæ, vel per ſe, vel, uti HELVETIUS vult, addendo ſcrupuluſ ſemiſ ſaliſ ammoniaci. Qui huic decocto addere vult herbam *acmella Zeilanica*, radicem *ninzig*, ſive *gin-ſen*, vel quoque ipſuſ *linuſ caſbarbicum*, non errabit. De tali decocto filtrato ſinguliſ

quatuor horis epotantur tres unciz. Alii exinde præparant  
 3) *Extradum*, quod fieri potest, quoniam in radice nullus  
 odor percipitur, & ideo ad fixiores plantas referri potest.  
 4) *HELVETIUS balsamum nephriticum* ex Parreiræ bravæ pul-  
 vere composuit. Rec. olei scorp. Matthioli lib. 1. bals. copaiv.  
 unc. 5. bals. sulphuris terebinth. unc. 4. Styrac. liquid. unc. 2.  
 rad. Parreiræ bravæ, subtilissime pulverisatæ, libr. semis, salis  
 ammoniaci unc. 2. vini Hispan. lib. 2. Hæc mixta, leni igne  
 coquuntur, agitando lignea spatula, ad vini consumptionem.  
 Hoc factò, filtrantur omnia, adduntur bals. Peruv. nigr. unc. 3.  
 De hoc balsamo datur drachmæ semis pro dosi, cum vino al-  
 bo, vel ptisana. Hoc balsamum in omnibus fere affectibus  
 internis, & externis, ab Helvetio laudatur. Alii & 5) *Essen-*  
*tiam* ex pulverisatâ Parreira brava componunt, recipiendo  
 1) jassur. Parreiræ bravæ unc. semis, gummi lign. guajac.  
 drachm. sem. Tinctur. tartari, vel antimonii, unc. 4. olei lign.  
 assafr. scrup. sem. Vel 2) rad. Parreiræ bravæ unc. sem. ca-  
 stor. drachm. sem. spir. nitr. dulc. unc. 4. Interim tutius est,  
 secundum omnium Medicorum sententiam, infusum modo,  
 atque decoctum, cum aqua simplici, propinare.

Sed hæc proferre volui occasione dissertationis inau-  
 guralis clarissimi atque doctissimi artis medicæ candidati,

## IOANNIS GODOFREDI HELCHERI.

Lucem is aspexit in celebri urbe Silesiæ, Suidnicii, anno  
 septimo huius sæculi, die 8 mens. Octobr. Patrem affecturus  
 est virum excellentissimum atque experientissimum, Dn. Dr.  
 IOANNEM HEINRICVM HELCHERYM, Medicum, & Philosophum  
 celeberrimum, nec non Acad. N. C. socium, in Metropoli Si-  
 lesiæ Practicum felicissimum, nunc pie defunctum; matrem  
 vero omnium virtutum genere ornatissimam feminam, RO-  
 SYNAM BARBARAM FVCHSIAM. Horum optimorum paren-  
 tum cura præcipua fuit, ut filiolus statim ab incunabulis  
 pietate, moribus decentibus, & litterarum doctrinis probe  
 tingere-

tingeretur. Ideo eum commiserunt manuductionibus privatorum præceptorum, posteaque eum non tantum miserunt in scholam publicam Suidnicensem, sed & deinceps in illustre Gymnasium Mariæ Magdalenz, quod Uratislaviæ floret. Adiit deinceps Lipsiam, ubi sub moderamine prudenti clarissimorum viro-  
rum, Dn. CRELLII, DRESSÉLII, & ORTLOBII, exoptata in humanioribus & elegantioribus literis iecit fundamenta. Anno vigesimo quarto celeberrimam salutavit academiam Viadrinam, ibique a viro Magnifico, Dn. NICOLAO WESTERMANNO, eloquentiæ P. P. O. celeberrimo, t. t. summam regiminis academici tenente, in numerum civium academicorum receptus est. commisitque se simul doctrinæ celeberrimi Dn. Dr. & Prof. prim. a BERGEN, atque totius medicinæ systema, secundum ductum institutionum Boerhaavii, eo duce absolvit, & simul eum, chirurgiam, chemiam, materiam medicam, & praxin tradentem, omni sedulitate audivit. His itinxit collegia celeberrimi Dn. Dr. & Prof. GOELICKII botanica, chirurgica, de præscribendis formulis, materiæ medicæ, de methodo medendi, de morbis infantium, atque mulierum, & insuper in praxi medica clinica, & casuali, ab eo institutus est. Peracto in hac academia quadriennio se contulit Berolinum, ea intentione, ut in anatomicis, chirurgicis, & chemicis enchirisiis sub ductu Professorum collegii medici Regii maiorem notitiam sibi acquireret. Laudat illustrium viro-  
rum, & Regis Maiestatis Borussiae Consiliar. aulic. Dn. Dr. BYDDEI, & Dn. Dr. ELLERI, favorem, candorem & patrocinium. Horum primum physiologiam exponentem, & ingentem numerum cadaverum humanorum utriusque sexus elegantissime secantem, præparantem, & demonstrantem vidit. Secundum autem, omnium morborum, tum exteriorum, tum interiorum, theoriam, & praxin explicantem, sedulo per annum audivit. Veneratur porro singularem favorem atque industriad Excellentissimum Chemicorum, Dn. Dr. FOTT, & Dn. Dr. NEWMANNI, Ex  
his

his limpidis fontibus veræ chemiæ theoriam & praxin, multis comprobata experimentis, hausit. Clarissimum & Experientissimum chirurgiæ professorem Dn. SENFFIUM, operationes chirurgicas in cadaveribus humanis nitidissime & accuratissime instituentem, demonstrantem vidit. Anno exacto aliam nostram Salanæ intravit, & a Magnifico Dn. Pro-Rectore, BRUCKNERO, Icto Consummatissimo, in numerum civium relatus est. Visitavit hic Magnifici Dn. Pro-Rectoris, & Dr. HILSCHERI, colleg. physiol. Illustris WEDELII prælectiones public. de obstructionibus, Celeberrimi Dn. Dr. HAMBERGERI institutiones pathologicas, quibus adiunxit meam doctrinam physicam, chirurgicam, anthropologicam, anatomicam, materiæ medicæ, atque chemiæ. Ante aliquot menses, ut in numerum candidatorum a Facultate nostra reciperetur, ea, qua decet, observantia petiit, id quod etiam ei benigne concessum est. In examinibus consuetis eruditionem suam, per sexennium academicum acquisitam, abundantissime nobis probavit. Restat tantummodo Dissertatio inauguralis, quam de *Auro*, meo sub Præsidio. publicæ, die XXI. Ian. defendendam, in se suscepit. Ad quem actum solennem Magnificum Dominum academiciæ Pro-Rectorem, Magnificum Dominum Pro-Rectorem designatum, Illustrissimos Dominos Comites, Patres academiciæ venerandos, hospites omnium dignitatum honoratissimos, ac generosam & nobilissimam dominorum commilitonum corporum, nomine collegii mei, observanter, officiose ac peramanter invito. Ienz P. P. die XX. Ian.

M DCC XXX.

(L.S.)

Uda 1521091